

BANTUAN TENAGA, BARANGAN MAKANAN DAN KEPERLUAN ASAS ANTARA SUMBANGAN YANG DISAMPAIKAN OLEH iM4U MELALUI PROGRAM MISI BANTUAN PASCA BANJIR

31.12.2014 Rabu : Banjir yang melanda di Negeri Kelantan, Pahang, Terangganu dan Perak pada Disember 2014 telah meninggalkan kesan yang besar kepada penduduk terutamanya kemusnahan harta benda, pertanian, penternakan, kemudahan infrastruktur seperti jalan raya, jalan keretapi, bekalan elektrik, telefon dan kekurangan bekalan asas seperti makanan, pakaian dan air bersih. Politeknik Seberang Perai (PSP) yang terdiri daripada staf, pelajar daripada Kelab iM4U dan pasukan beruniform PSP tidak ketinggalan untuk turut membantu dan menghulurkan bantuan dari segi tenaga sukarela untuk membantu mangsa-mangsa banjir, memberi bantuan kewangan dan membekalkan keperluan asas seperti makanan dan pakaian dengan segera di dua lokasi yang terpilih iaitu Kelantan dan Perak. Objektif misi ini ialah untuk membersihkan kawasan sekolah, TABIKA, rumah-rumah kediaman, masjid dan surau yang terlibat, mengedarkan makanan, air bersih dan pakaian di kawasan yang terjejas, menghulurkan bantuan kewangan, dan memberikan khidmat kaunseling kepada pelajar-pelajar sekolah.

Kawasan-kawasan yang terlibat dalam Program Misi Bantuan Kemanusiaan Pasca Banjir kelolaan PSP ini ialah di Kelantan termasuk Rantau Panjang, Kuala Krai, Tanah Merah, Machang, Tumpat dan Kota Bharu. Di Perak pula, kawasan yang terlibat ialah Kampung Gajah. Sumber bantuan kewangan dan barangan diperolehi daripada PSP, KEMAS, UMNO Pulau Pinang dan Majlis Belia Negeri Pulau Pinang.

Penglibatan Staf dan Pelajar secara sukarela dalam Misi Bantuan Kemanusiaan Pasca Banjir ini dapat menyampaikan khidmat bantuan dan tenaga kerja kepada masyarakat yang terlibat dalam bencana banjir di semua lokasi tersebut. Misi program ini juga adalah untuk menyampaikan bantuan barangan seperti makanan dan keperluan asas kepada mangsa banjir. Selain daripada itu, program ini dapat mendekatkan pelajar dengan masyarakat selain memupuk semangat saling bantu membantu dalam konteks sukarelawan.

GALERI AKTIVITI



Pengarah PSP, Tuan Haji Zulkifli Bin Ariffin bergambar kenangan bersama Timbalan Pengarah (Akademik); Puan Ainiza Binti Amin dan para sukarelawan sebelum mereka bertolak ke lokasi-lokasi bencana banjir



Tuan Haji Zulkifli Bin Ariffin memerhatikan barangan yang hendak dihantar ke lokasi yang terjejas akibat bencana banjir



Beberapa orang staf PSP menguruskan barangan keperluan untuk dihantar ke lokasi yang terjejas

Program Misi Bantuan Kemanusiaan Pasca Banjir Di Kampung Laut, Tumpat, Kelantan



Penghulu Kampung Laut memberikan sedikit taklimat sambil diperhatikan oleh pensyarah PSP, Encik Muhammad Daniel Bin Derome



Penyerahan sumbangan kewangan warga Politeknik Seberang Perai oleh Penyelaras Program kepada Penghulu Kampung



Para peserta mengutip sampah sarap di luar perkarangan kawasan Klinik Desa Kampung Laut, Kelantan




Semua peserta dan penyelaras Program Khidmat Masyarakat Pasca Banjir di Kelantan bergambar bersama di Kampung Laut, Kelantan

Program Misi Bantuan Kemanusiaan Pasca Banjir Di Rantau Panjang, Kelantan



Peserta dan penyelaras Program Khidmat Masyarakat Pasca Banjir di Kelantan bergambar bersama setelah selesai gotong-royong di Sk. Sri Rantau Panjang (1)



Para sukarelawan bertungkus-lumus membersihkan kawasan yang terjejas.